



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 32. Bonagratus FF. Minorum Minister Generalis.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

probante Dionysio Alphonfi filio & successore. Tum Rex per Stephanum veterem Abbatem Alcobacensem absolutus a noxis, suum testamentum condidit, & a Pontifice Maximo, quem nuncupabat animæ ac corporis sui Dominum, centumque argenti selibrarum legato donabat, ratum haberi cupiit. Sic vitam posuit 16 Febr. ac Dionysius ei successit.

Sæcul. XIII.
A.C. 1279.

§. XXXII.

Bonagratius FF. Minorum Minister Generalis.

Comitia Fratrum Minorum generalia hoc anno die Pentecostes 21 Maji Assisi celebranda indixerat Cardinalis Hieronymus Asculanus etiamnum Minister Ordinis. Sed in tempore iis adesse non poterat, suo in reditu a Gallia, ubi Legatum egerat, morbo correptus. Cum dein eo venisset, confirmavit Fratris Bonagrati quaquam absentis electionem in successorem suum. Eandem sibi gratissimam esse Papa Fratres edoceri voluit, ac præcipuos invitari, ut adirent ipsum, & quæ ad gubernandum Ordinem expedire censerent, fidenter exponerent. Itaque Surianum, ubi Papa hac æstate cum sua curia residebat, se contulere: & unus illorum, qui novum Ministrum tunc co-

Vad. 1279.
n. 7.

Sæcul. XIII.
A.C. 1279.

mitabantur, erat Philippus Perusinus eorum, quæ ibi acta sunt, scriptor.

Cum ea, quæ in comitiis facta erant, ad Papam retulissent, poscebant ab eo defensorem (ut illos regula jubebat sua) nisi Alexandri IV exemplo ipse Ordinis præsidium in se vellet suscipere. Papa, Nihil agerem libentius, inquiebat: sed Ecclesiæ regimen universale non permittit, ut regendo Ordini vestro necessariam attentionem adhibeam. Et postquam suffragia defensorem cooptantium clam acceperat, a singulis petita vidit nepotem suum Matthæum Rossium de Urfinis Cardinalem Diaconum tit. S. Mariæ in porticu. Probata electione ad Cardinalem conversus, Dilecte fili! agebat: beneficia in te multa contuli: at ecce maximum tibi in coelum promovendo aptissimum: nam omnium Fratrum Minorum preces ac bona opera participabis. Tibi propugnationem hujus Ordinis committens tribuo, quod habeo pretiosissimum, ac delicias cordis mei. Plura ne diceret, singultus obstabant & lacrymæ: nec Fratres cohibere suas poterant. Tum tenero animi motu præterito Papa anulum suo detractum digito Cardinali in novi muneris signum tradidit, addens: Hic Ordo, cui viri perspicacissimi & sapientissimi præsunt, gubernatione tua non habet opus, sed

defen-

defensione contra suos adversarios & potentes & numerosos.

Sæcul. XIII.

A. C. 1279.

§. XXXIII.

Litteræ pontificiæ S. Francisci regulam explicantes.

Ab hoc die Papa operam dedit reprimendis illis, qui regulam & vitam Fratrum Minorum impugnabant, illicitam & periculofam dicentes talemque, qualis duci nequeat. Proinde statuit amplam eorum instituti declarationem edere, atque huic componendæ duos menses impendit cum duobus Ordinis Cardinalibus Hieronymo Asculano Episcopo Prænestino ac Bentivenga Episcopo Albanensi, quibus addidit novum Generalem & aliquot Provinciales Ministros. Romana Curia mirabatur hoc toto tempore cuncta negotia mandari aliis, nec percipiebat, quodnam esset illud, quod Papa tam occulte tractaret. Tandem 14 Augusti in lucem prodiit diploma: *Exiit, qui seminat*: in quo fuse dissolvit oppositiones Fratribus Minoribus fieri solitas, & difficultates, quas multi eorum in exercenda regula sua sentiebant. En summam hujus constitutionis, cujus pars prior auctoritatem facit plerisque responsionibus, quas S. Bonaventura jam dederat in sua *pauperum Apologia*.

c. 3. de verb. sign. in sexto.

Sup. lib. 86. §. 2.

Hunc